

7 Jun 2017

## **KENYATAAN MEDIA**

### **AMP Anjur Kem Ramadan Pertama Bagi Belia Untuk Semarakkan Semangat Ramadan**

---

1. Buat julung-julung kalinya, Angkatan Karyawan Islam (AMP) akan menganjurkan sebuah kem semalaman pada bulan Ramadan ini untuk para belia berusia antara 10 hingga 18 tahun di bawah naungan Skim Keluarga Angkat & Belia (AFYS) dan Pusat Nasihat Hutang (DAC) AMP. Kem tersebut akan bermula pada **Jumaat 9 Jun 2017 pada jam 9.00 pagi di AMP @ Pasir Ris (Aras 4, 1 Pasir Ris Drive 4)**. Setelah tamat Kem Ramadan pada 10 Jun 2017, mereka akan menyertai bengkel Ramadan dan sesi iftar bersama keluarga mereka pula dari **jam 2.00 petang di AMP @ Pasir Ris**.

#### **Kem Ramadan**

2. Diadakan sempena cuti sekolah bulan Jun, Kem Ramadan bertujuan untuk menekankan amalan dan ibadah tertentu yang harus dilakukan oleh seorang Muslim seperti mengambil wudhu sebelum solat, serta ibadah sunnah yang dilakukan pada bulan Ramadan seperti solat terawih dan qiyam secara berjemaah. Seramai 49 orang belia akan menyertai kem ini.
3. Selain daripada itu, para peserta kem juga akan diberi peluang untuk berkhidmat kepada masyarakat menerusi penyediaan dan pengagihan bubur Ramadan **dari jam 1.00 petang di Masjid Al-Istighfar (2 Pasir Ris Walk)**. Mereka juga akan bantu untuk menyediakan juadah berbuka puasa bagi jemaah masjid. Di penghujung kem tersebut, mereka akan menerima satu pek Ramadan setiap seorang yang mengandungi barangan makanan dan juga sejadah dan telekung atau jubah sebagai tanda penyertaan mereka.

### **Bengkel Ramadan & Iftar AMP**

4. AMP juga akan menganjurkan sebuah bengkel khas dan sesi berbuka puasa bagi 520 orang penerima bantuannya, yang bertujuan untuk meningkatkan pembangunan kerohanian mereka serta mengeratkan hubungan kekeluargaan mereka.
5. Bengkel Ramadan yang akan dikelolakan oleh Safinah Institute akan fokus terhadap cara-cara mengatasi kesukaran di dalam kehidupan dan juga bagaimana untuk menjalankan ibadah berpuasa pada bulan Ramadan dengan lebih produktif dan bermakna. Bengkel ini juga akan meneliti strategi-strategi berkesan dalam memperkukuh hubungan keluarga secara keseluruhan dan juga bagaimana untuk menyelesaikan masalah dengan strategi yang berdasarkan nilai-nilai dan ajaran Islam.
6. Setelah itu, para peserta akan berbuka puasa bersama-sama di majlis iftar yang akan diadakan **di dewan serbaguna di Kelab Masyarakat Pasir Ris East**. Setiap keluarga akan menerima sebuah pek barangan keperluan dapur berjumlah \$50 sementara anak-anak kecil akan menerima \$5 seorang. Buat pertama kali, setiap keluarga juga akan menerima wang tunai \$30.
7. Skim Keluarga Angkat & Belia (AFYS) yang ditubuhkan pada tahun 2002 ialah sebuah skim yang membantu seisi keluarga secara menyeluruh. AFYS membantu keluarga kurang berkemampuan menerusi penguasaan ekonomi dan juga program sosio-pendidikan. Keluarga-keluarga ini dipantau dan dibantu oleh pegawai kes AMP untuk membolehkan mereka berdikari dalam masa tiga hingga empat tahun.
8. **Kami mengundang rakan-rakan media ke Kem Ramadan kami pada Jumaat 9 Jun 2017 pada jam 1.00 petang di Masjid Al-Istighfar (2 Pasir Ris Walk).**
9. **Kami juga mengundang rakan-rakan media ke Bengkel Ramadan dan Majlis Iftar AMP 2017 pada Sabtu 10 Jun dari jam 3.00 petang hingga 8.30 malam di AMP (Aras 4, 1 Pasir Ris Drive 4).**

TAMAT

**KEM RAMADAN**  
**Jumaat, 9 Jun 2017 hingga Sabtu, 10 Jun 2017**  
**AMP @ Pasir Ris / Masjid Al-Istighfar**

**Program**

**HARI 1**

***Lokasi: AMP @ Pasir Ris***

9.00 pg      Pendaftaran  
                  Sesi Taklimat  
                  Sesi Permainan  
                  - *Smart Wudhu*  
                  - *Qiblat Finding*  
                  - *Tahsin Al-Fateha*  
                  - *Azan*  
                  - *Dua*

***Lokasi: Masjid Al-Istighfar***

1.05 ptg      Solat Jumaat  
                  Penyediaan & Pengagihan Bubur  
                  Ramadan  
                  Solat Asar  
                  4.30 ptg      Sesi Maklum Balas – *Count Your*  
    *Blessings*  
    Iftar  
    Solat Maghrib

***Lokasi: AMP @ Pasir Ris***

8.25 mlm      Solat Jemaah Isya' & Tarawih  
  
                  10.30 mlm      Tamat

**HARI 2**

***Lokasi: AMP @ Pasir Ris***

4.00 pg      Solat Jemaah –  
                  *Qiyam, Subuh*  
                  Sahur  
  
                  9.00 pg      Bengkel Celik Wang  
                                  Sesi Refleksi – *Ramadan*  
                                  *Confessions*  
                                  Sesi Maklum Balas  
                                  Solat Jemaah Zuhur

2.00 ptg      Kem tamat

**BENGKEL RAMADAN & MAJLIS IFTAR AMP**  
**Sabtu, 10 Jun 2017**  
**AMP @ Pasir Ris / Kelab Masyarakat Pasir Ris East**

**Program**

**BENGKEL RAMADAN**

*Lokasi: AMP @ Pasir Ris*

2.00 ptg      Pendaftaran

Bengkel Ramadan  
*oleh Safinah Institute*

5.00 ptg      Solat Asar Berjemaah

**MAJLIS IFTAR AMP 2017**

*Lokasi: Dewan Serbaguna, Kelab Masyarakat Pasir Ris East*

7.10 mlm      Buka puasa / Solat Maghrib

7.45 mlm      Pengagihan habuan

8.30 mlm      Tamat